



I Oannes de Atzel dictus à teneris annis operã literis nauauit, atq; in ijs magnam eruditionẽ nactus est. Vnde cum se legendo & disputando in Academijis exercuisset, Doctor Canonum factus est. Huic eruditioni etiam uitæ innocẽtiã & morum castitatem coniũxit. Itaq; in ordine 48 præful Verdensis electus est. Eam Ecclesiã mirum in modum bellorum tumultibus attritã sua prudentia utcunq; restituit. Cum autem eius aduersarij nihilominus eum laceßere pergerẽt, ipse armis neglectis alia ratione ipsis resistere statuit. nam eos excommunicauit & sacris officijs priuauit. quibus multos in officio continuit. Cum autẽ

Premenfis præful ea negligeret, atq; eius ditionem inuaderet, arma comprehendit, atq; contra hostes uictoriam obtinuit. Erat hic Friderico Cæsari acceptissimus. unde eum sæpius ad se uocauit, atq; dimissum priuilegijs exornauit. Cum is hoc modo per 43 annos magna laude suam Ecclesiã administrasset, atq; iam senio confectus esset, anno 1470 uiuens suum officium resignauit, atq; quietiorem uitam elegit. in qua paulo pòst foelicitè decessit. Ano. Crantz.